

VIII PREMIO DIARIO CULTURAL DE TEATRO RADIOFÓNICO



Desde a contemporaneidade e inscrito nunha tradición que fixo da radio canle de expresión artística, o Premio Diario Cultural de Teatro Radiofónico pretende promover a creación cultural dun corpus dramático no formato do teatro radiofónico.

A Radio Galega, a través do programa Diario Cultural e coa colaboración da Secretaría Xeral de Cultura da Consellería de Cultura, Educación e Ordenación Universitaria, organiza a oitava edición dun premio que pretende fomentar a escrita de textos dramáticos para a radio e contribuír á recuperación do formato do teatro radiofónico. Non se trata tanto de recuperar as fórmulas convencionais do radioteatro como de estimular a creación de pezas dramáticas contemporáneas e facilitar unha plataforma de creación aberta ás novas linguaxes artísticas na radio.

As obras seleccionadas polo xurado emitiranse na Radio Galega e editaranse nun libro-CD. Outorgaranse os Premios do Xurado e da Audiencia, dotados cada un deles con 3.000 euros.



XUNTA
DE GALICIA

VIII PREMIO **DIARIO CULTURAL** DE TEATRO RADIOFÓNICO



BBases:

1. Poderán participar todos os escritores e escritoras que o desexen sempre e cando non manteñan unha relación laboral coa TVG, S.A.

Os participantes deberán ser maiores de 18 anos.

2. Os traballos presentados deberán ser orixinais e inéditos, escritos en lingua galega e non poderán ser adaptacións. Deberán estar libres de todo compromiso anterior con emisoras de radios, televisións, editoriais ou entidades semellantes.

3. Os traballos adoptarán o formato de guiión radiofónico dramático. Estarán calculados para que a súa duración en antena sexa de dez minutos como máximo. As obras terán un elenco de cinco personaxes como máximo. Os autores/as poderán utilizar, coas indicacións pertinentes, cantos recursos radiofónicos consideren necesarios para que o texto sexa realizado de maneira axeitada: música, planos sonoros, efectos etc. O director ou directora das dramatizacións radiofónicas poderá facer as adaptacións necesarias para a súa realización e emisión. Cómpre ter en conta que as obras serán emitidas nas distintas franxas horarias, tamén en horario infantil.

4. Non se admitirán máis de dous guiíons por autor/a e de cada obra presentaranse orixinal e cinco fotocopias. Os autores/as concursarán polo sistema de plica. En sobre pechado deberán facer constar o seu nome, apelidos, DNI, enderezo postal e número de teléfono. Os traballos faranse chegar por correo ao seguinte enderezo:

Radio Galega, Diario Cultural
VIII Premio Diario Cultural de Teatro Radiofónico
San Marcos 15820. Santiago de Compostela.

Conservaranse durante un mes a partir da data en que se faga publica a resolución do xurado e despois destruíranse os que non fosen solicitados polos seus autores/as. O prazo de admisión de orixinais comezará cando se faga pública esta convocatoria e rematará o día 4 de abril de 2014.

5. Os argumentos das obras serán de temática libre.

6. O xurado estará integrado por profesionais de recoñecido prestixio do ámbito da escena galega e da radio.

O xurado valorará especialmente a calidade literaria e dramática das obras e a súa adaptación ao medio radiofónico.

7. Os autores/as comprométese a autorizar a dramatización e emisión pola Radio Galega das obras presentadas de seren estas seleccionadas, así como a súa edición en libro-CD e a súa publicación na web da CRTVG. Para tal fin, os autores/as premiados e finalistas cédennlle á Radio Galega os dereitos de comunicación pública, reprodución e distribución precisos para a posta en antena da obra e a súa primeira edición en libro e disco compacto.

Os autores/as que o desexen poderán enviar co texto as gravacións das dramatizacións en soporte de CD. As gravacións non serán tidas en conta na valoración dos textos teatrais polo xurado pero si serán emitidas, de seren finalistas os textos, pola Radio Galega para a votación da audiencia en lugar da dramatización realizada polo equipo artístico.

8. O xurado escollerá entre as obras presentadas catro finalistas como máximo. As obras seleccionadas emitiránse pola Radio Galega. Das obras emitidas o xurado outorgará un premio único dotado con 3.000 euros e a audiencia escollerá por votación a obra que obterá o Premio do Público, dotado con 3.000 euros. O xurado reservase a facultade de declarar deserto o premio convocado.

9. Calquera incidencia non prevista nesta convocatoria será resolta polo xurado.

10. O feito de concursar supón a aceptación destas bases que poden ser consultadas na web da crtvg.es

PROTECCIÓN DE DATOS DE CARÁCTER PERSOAL

De acordo co disposto na Lei Orgánica 15/1999 de 13 de decembro, de Protección de Datos de Carácter Persoal, infórmase de que os datos de carácter persoal recollidos ao abeiro deste certame serán incorporados a un ficheiro do que é responsable RTG S.A, con sede en Bando – San Marcos s/nº, 15820 Santiago de Compostela, co fin de resolver a xestión e difusión do concurso. Os interesados poden exercer os dereitos de acceso, rectificación, cancelación e oposición dirixindo unha solicitude asinada por escrito ao Servizo de Informática da CRTVG no enderezo sinalado, xunto cunha copia do seu DNI.

Os autores premiados autorizan a comunicación dos seus datos persoais a través dos medios de comunicación e da páxina web da Radio Galega co fin de anunciar os gañadores.



**XUNTA
DE GALICIA**